

欽定平定陝甘新疆回匪方略卷一百三十五 丙寅年

五月二十八日

丙戌

楊岳斌奏言

臣

前在涇州見

提督譚玉龍一軍人心不固謠詠紛紛隨細加

訪查始知去臘

臣

以協餉二萬兩交譚玉龍雷

正綰亦交譚玉龍銀九千兩發給各營該提督

僅發過銀一萬一千兩餘銀不知下落各營因

此議論沸騰俱懷怨憤

臣

屢催該提督將去臘

所發餉銀冊報日久未據造送本應卽時撤退
另行派員接統因見其人不知大義又恐另起
風波反礙大局故暫以好言勸勉冀其激發天
良稍知振奮不料該提督往援莊浪沿途復有
攻破堡寨縱令勇丁擄殺良民等情事臣遂令
提督王得勝接統其衆往截靜甯東竄之賊詎
譚玉龍心存叵測傳各營官告以甘肅甚苦我

輩不若向西安潰走另圖大事復以奸詭之言
聳動衆聽因此總兵陳義口出妄言譚玉龍當
給各營官每人銀一百兩以固其心弁勇無知
均被煽惑參將焦萬海已革參將余炳忠等附
和愆戾遂乘夜帶領各營一併潰走臣聞信卽
專弁往攔追之不及現飛請固原提臣雷正綰
出瓦亭截阻並飭令涇防各軍極力阻遏相應

請

旨將記名提督譚玉龍記名總兵陳義儘先參將焦萬
海一併革職陳義卽行就地正法並請

旨密飭陝西撫臣劉蓉不動聲色就近將譚玉龍余炳
忠焦萬海設法傳至省城先將譚玉龍前侵餉
銀嚴追繳出再行正法至已革參將余炳忠參
將焦萬海訊明後奏請發遣此外如有同謀主

使營官容 臣查明叅辦

楊岳斌又奏言 臣前在省時因平番一帶時有賊蹤曾派總兵王仁和統營馳赴該處疏通糧路接濟省垣嗣因涼州有警復飭令分派一營赴涼援剿茲據稟稱二月初六日賊在打柴溝燒殺並攻撲鎮羌營該總兵卽派參將黃益瑞前赴鎮羌自帶親兵護糧前進初九日回匪在

距鎮五六里殺掠該總兵派隊分路抄擊立斃
騎馬賊數十名十一日仍率隊護糧赴岔口驛
該逆馬隊千餘人分股衝突圖劫糧車我軍槍
礮齊施斃賊七八十名該逆抵死不退轉戰十
數里哨官彭有功張德才同時陣亡勇丁亦傷
亡數十名幸糧石未至疏失該總兵遂將各隊
收入岔口驛城堅守並就近咨請涼州鎮派兵

援剿該逆因劫掠未遂連夜勾集米拉溝裴家
堡正路堡黃羊川各處回逆馬隊五六千人晝
夜圍攻該總兵率勇登陴極力轟擊斃賊二百
餘名二十六日總兵楊占鼐派援各營將抵岔
口賊始少卻臣飛飭該總兵等合力堵擊以期
暢通糧道又提督譚玉龍帶隊往援莊浪於四
月初十日行抵水洛城探得該回等均在附近

村堡居住該提督分派各營進攻回巢復自率
新中等營及馬隊在後策應逆黨四散狂奔復
經督飭各軍分途追擊所有附近賊巢均經踏
毀當將莊浪城圍立解該逆直向曹葵川門山
嵯一帶退踞共計斃賊百餘人二十四日復督
飭各軍在賈家溝地方與賊接仗追斬多名營
官陝西提標前營把總王朝一頭受礮傷回營

身故又總兵李助發一軍駐紮靜甯四月二十四五等日探知西路之張家堡柳家岔孫家溝高家堡等處賊勢蔓延派兵分剿連破賊營六座殺賊四五百名餘黨向清家驛大路竄去我軍正欲收隊另有南路大股馬賊掩至從中橫截山路險窄該總兵身受重傷各哨官奮勇救護右哨官張士坤後哨官蕭得堯同時歿於陣

內勇丁亦有傷亡失去槍礮旗幟刀矛號衣多件臣查該總兵疊挫兇鋒未經敗衄今進剿張家堡一帶之賊亦經得手乃於收隊之後突被另股橫截該營官等不察號令臨陣慌亂以致主將受傷兵勇傷亡所有營官李春海陳正榮上年曾經奏叅革職此次應由臣再行嚴辦都司雲從龍請

旨革職留營以觀後效陣亡之營官守備陳正祥等哨
官六品軍功張士坤藍翎外委蕭得堯暨在賈
家溝接仗因傷身故之營官陝西提標前營把
總儘先遊擊王朝一懇

恩飭部從優議卹以慰忠魂在岔口驛接仗陣亡之哨
官彭有功張德才俟查明官階再行奏請

賜卹奏入

上命軍機大臣傳諭穆圖善楊岳斌劉蓉曰提督譚玉龍收領餉銀二萬九千兩僅發給各營餉銀一萬一千兩餘銀概行入己以致衆論沸騰俱懷怨憤又復縱令勇丁擄殺良民經楊岳斌派令王德勝接統其衆譚玉龍輒以奸詭之言聳動衆聽倡議向西安潰走總兵陳義挺身倡亂參將焦萬海等附和慫恿譚玉龍遂乘夜率領各營一併潰走雷正綰所部人數

旨革職留營以觀後效陣亡之營官守備陳正祥等哨
官六品軍功張士坤藍翎外委蕭得堯暨在賈
家溝接仗因傷身故之營官陝西提標前營把
總儘先遊擊王朝一懇

恩飭部從優議卹以慰忠魂在岔口驛接仗陣亡之哨
官彭有功張德才俟查明官階再行奏請

賜卹奏入

上命軍機大臣傳諭穆圖善楊岳斌劉蓉曰提督譚玉龍收領餉銀二萬九千兩僅發給各營餉銀一萬一千兩餘銀概行入己以致衆論沸騰俱懷怨憤又復縱令勇丁擄殺良民經楊岳斌派令王德勝接統其衆譚玉龍輒以奸詭之言聳動衆聽倡議向西安潰走總兵陳義挺身倡亂參將焦萬海等附和慫恿譚玉龍遂乘夜率領各營一併潰走雷正綰所部人數

無多涇防各軍兵力未厚勢難阻遏此時恐已竄入
陝境隴州鳳翔一帶本有回匪竄擾防勦當更喫重
劉蓉務當督率兵勇嚴密堵截毋任分竄各處蔓延
爲患陝省防兵本形單薄此時亟須添兵助勦前經
諭令穆圖善調派金順馬隊並撥得力步隊馳赴鳳
翔一帶應援著該將軍懍遵前旨迅卽分撥馳往並
於撥發金順等馬步各軍外添撥數營馳援陝省以